

U G O V O R

o sufinansiranju zapošljavanja novih radnika

UGOVORNE STRANE

Općina Ilidža, ulica Butmirska cesta br.12, koju zastupa **Općinski načelnik Nermin Muzur, magistar uprave** (u daljem tekstu: Davalac sredstava) i

_____, sa sjedištem u Ilidži, ul. _____, ID broj: _____, koju zastupa _____, (u daljem tekstu: Poslodavac-korisnik sredstava za zapošljavanje),

I PREDMET UGOVORA

Član 1.

Predmet ovog Ugovora je sufinansiranje Poslodavca-korisnika sredstava, u trajanju od 12 (dvanaest) mjeseci, radi zapošljavanja **1 nezaposleno** lice, te se ovim Ugovorom regulišu međusobna prava, obaveza i odgovornosti ugovornih strana u realizaciji projekta „Program poticaja za zapošljavanje“, a u skladu sa Javnim pozivom objavljenim na službenoj web stranici Općine Ilidža, oglasnoj ploči Općine Ilidža kao i Obavještenja u dnevnim novinama.

II PRAVA I OBAVEZE UGOVORNIH STRANA

Član 2.

Poslodavac - korisnik sredstava za zapošljavanje se obavezuje da će zaposliti lice koje se vodilo na evidenciji nezaposlenih osoba Službe za zapošljavanje Kantona Sarajevo-Biro Ilidža, odnosno sa tim licem:

- a) zaključiti ugovor o radu sa punim radnim vremenom, u trajanju od najmanje 12 mjeseci i
- b) prijaviti to lice Poreznoj upravi na osiguranje.

Član 3.

Poslodavac- korisnik sredstava za zapošljavanje je dužan, najkasnije u roku od 30 (trideset) dana od dana potpisivanja pojedinačnog Ugovora o radu iz člana 3. ovog Ugovora, Općini dostaviti:

- a) **Uvjerenje, koje izdaje Služba zapošljavanje Kantona Sarajevo-Biro Ilidža da je lice sa kojim je Poslodavac - korisnik sredstava za zapošljavanje potpisao pojedinačni ugovor (sufinansirano lice), bilo na evidenciji nezaposlenih osoba Službe za zapošljavanje Kantona Sarajevo-Biro Ilidža;**
- b) **Ugovor o radu, iz člana 2. ovog Ugovora;**
- c) **Prijavu tog sufinansiranog lica na osiguranje koju je dostavio Poreznoj upravi na Obrascu JS 3100 (Prijava/Promjena/Odjava osiguranja).**

Član 4.

Poslodavac - korisnik sredstava za zapošljavanje ne može otkazati Ugovor o radu iz člana 2. ovog Ugovora, niti vršiti zamjenu sufinansiranog lica, **bez prethodne saglasnosti Općine.**

Član 5.

Poslodavac - korisnik sredstava za zapošljavanje za vrijeme trajanja ovog Ugovora, ne smije smanjivati broj radnika u odnosu na broj radnika koji je imao u trenutku podnošenja prijave, uvećan za broj novozaposlenih lica.

Izuzetak je slučaj, ako radniku prestaje radni odnos/ugovor zbog odlaska radnika u penziju, ako radniku prestaje radni odnos na zahtjev radnika, te ukoliko dođe do prekida radnog odnosa prouzrokovano težom povredom radnih obaveza, dužnosti i discipline za što je poslodavac dužan Općini dostaviti dokaze o bilo kojoj promjeni.

U slučaju da radnik svojim radnim sposobnostima ne zadovoljava potrebe poslodavca, isti može dati otkaz radniku u skladu sa Zakonom, a na njegovo mjesto je obavezan da u roku od 30 dana od dana otpuštanja radnika zaposli drugog radnika pod istim uslovima.

Član 6.

Poslodavac - korisnik sredstava za zapošljavanje je za 12 (dvanaest) mjeseci, Općini dužan dostavljati dokaze, i to za svaki mjesec:

- a) Obrazac Porezne uprave Federacije BiH za plaće - **Obrazac 2001**: Specifikacija uz isplatu plaća zaposlenika u radnom odnosu kod pravnih i fizičkih lica ;
- b) Obrazac Porezne uprave Federacije BiH - **Obrazac MIP-1023**: Mjesečni izvještaj o isplaćenim plaćama, ostvarenim koristima i drugim oporezivim prihodima zaposlenika od nesamostalne djelatnosti, plaćenim doprinosima i akontaciji poreza na dohodak.
- c) Dokaz da su sredstva za sufinansirano lice isplaćena – **platna lista i kopija izvoda banke.**

Član 7.

Davalac sredstava se obavezuje, uz uslov poštivanja svih odredbi ovog Ugovora, Poslodavcu-korisniku sredstava za zapošljavanje, mjesečno, u trajanju od 12 (dvanaest) mjeseci, za svako sufinansirano novouposlono lice refundirati sredstva u iznosu od 800,00 KM (osamstotina i 00/100 KM) na ime troškova za isplatu cijele ili dijela bruto plaće, doprinosa i naknada i to na žiro račun Poslodavca-korisnika sredstava koji se dostavlja uz svaki mjesečni zahtjev za refundaciju sredstava.

Ukupna sredstva koja će Poslodavac – korisnik sredstava za zapošljavanje uz uslov poštivanja svih odredbi ovog ugovora ostvariti iznose **9.600,00 KM (devethiljadašeststotina i 00/100 KM).**

Svi drugi troškovi, za sufinansirano lice padaju na teret poslodavca.

Član 8.

Davalac sredstava je dužan, nakon prijema i provjere dokaza iz člana 6. ovog Ugovora, novčana sredstva iz člana 7. ovog ugovora, refundirati/uplatiti na žiro račun Poslodavca-korisnika sredstava za zapošljavanje, najkasnije do 20-og datuma u mjesecu za prethodni mjesec.

Član 9.

Ukoliko Poslodavac-korisnik sredstava za zapošljavanje otkaže Ugovor o radu ili izvrši zamjenu sufinansiranog lica bez predhodne saglasnosti Općine, ne dostavi u roku od 2 (dva mjeseca) dokaze iz člana 6. Ugovora, Općina će jednostrano raskinuti Ugovor.

Član 10.

U slučaju da je Poslodavac - korisnik sredstava za zapošljavanje dao neistinitu Izjavu da nije korisnik programa sufinansiranja zapošljavanja koje finansira Vlada Federacije BiH, Federalni zavod za zapošljavanje, JU Služba za zapošljavanje Kantona Sarajevo ili Općina i/ili druge podatke značajne za odobravanje sredstava ili lažnim prikazivanjem činjenica Davaoca dovede u zabludu, Davalac sredstava će o navedenim činjenicama obavijestiti nadležne organe podnošenjem odgovarajućih prijava.

Ukoliko nadležni organi utvrde činjenice iz stava (1) ovog člana, Poslodavac-korisnik sredstava za zapošljavanje obavezuje se da će vratiti sva doznačena sredstva uplatom na depozitni račun Općine Ilidža, otvoren kod UniCredit banke, broj: 3380002210024598, Svrha uplate: povrat sredstava, Šifra općine: 078, Vrsta prihoda: 722719.

Član 11.

Davalac sredstava ima pravo kod nadležnih organa, uključujući Službu za zapošljavanje i Poreznu upravu, provjeravati podatke koji se tiču Poslodavca-korisnika sredstava za zapošljavanje iz ovog Ugovora.

Davalac sredstava ima pravo, da cijeni potrebu, da izlaskom na lice mjesta ili na drugi odgovarajući način kontroliše izvršenje prava, odnosno obaveza koje Poslodavac-korisnik sredstava za zapošljavanje, preuzima ovim Ugovorom ili su bili uslov da se ovaj Ugovor zaključi.

Član 12.

Izvršenje ovog Ugovora prate službe Općine Ilidža, i to: Služba za finansije i Služba za privredu i lokalni ekonomski razvoj.

III TRAJANJE UGOVORA

Član 13.

Ovaj Ugovor stupa na snagu danom potpisivanja ugovornih strana i važi za period od 15 (petnaest) mjeseci od dana potpisivanja, a što je ujedno i rok za njegovu realizaciju.

IV RASKID UGOVORA

Član 14.

Davalac sredstava ima pravo jednostrano raskinuti ovaj ugovor, bez otkaznog roka, u slučaju da Poslodavac-korisnik sredstava za zapošljavanje, ne izvršava svoje obaveze iz ovog Ugovora.

Član 15.

Poslodavac-korisnik sredstava za zapošljavanje može jednostrano, bez otkaznog roka raskinuti ovaj Ugovor u slučaju da odjavi djelatnost koju je registrovao, ali je dužan Općini, najkasnije u roku od 15 (petnaest) dana od dana odjave, u pismenoj formi dostaviti obavijest.

V ZAVRŠNE ODREDBE

Član 16.

Ugovorne strane su saglasne da eventualni spor riješe mirnim putem/sporazumno, a u slučaju da se ne uspiju sporazumjeti, saglasne su da je za rješavanje spora nadležan sud u Sarajevu.

Član 17.

Ovaj Ugovor se sačinjava u 4 (četiri) originalna primjerka, od kojih svaka ugovorna strana zadržava po 2 (dva).

Izradila i kontrolisala: Aida Godinjak

Korisnik sredstava

OPĆINA ILIDŽA
OPĆINSKI NAČELNIK

Nermin Muzur, magistar uprave

Broj: _____

Ilidža, _____

Ilidža, _____